

i hob mein kopf valoan

i hob mein kopf valoan  
irgendwo zwischn linz und attnang-puchheim  
foahrt a jetzt im gepäcknetz auf da westbahn dahin

es kennt eam kana  
und a de aundan san eam fremd  
mit große augn schaut a ban fensta ausse  
und eam is ganz unhamlich dabei

völlig valoan hängt a do allan  
und heat da wöd ban otmen zua  
wann s im tunnö dann langsam finsta wird  
mocht a de augn zua vor lauter schreck

a jeda mecht eam trestn  
owa kana glengt auffe zu mein kopf  
traurig blinzelt a owe  
und kennt rean vor lauter hoamweh noch mir

©verena göttl